

連

山

聽

志

連山綏猗廳志

前序一首

賜進士出身榮祿大夫兵部尙書兼都察院左都御史兩廣總督鄧廷楨纂  
夫操觚譔集常憚祖構摘藻洽平宜屏支詞是以溲志地理宛  
大輅之椎輪周禮外史儼爲山於聚米若乃稽物類修詞條山  
沓水匝事襍言嗟繁遊覽所取攜詎保障之要領至于韓氏朝  
邑言簡而事賅康君武功文括而體備增重并載罕逢晉人  
欒山司馬南省釋褐上府剖符撫綏民猗筮緒志乘故書無徵  
新編聿期有典有則總志賁然其難其慎分門超若裴秀禹貢  
之圖周處風土之記善長水經之注子雲方言之文古意新裁  
重規疊矩地本連山治兼猗俗棲類駢坐語甚媿隅然千億有  
眾二百餘季沐浴

綏猗廳志序

膏澤濡染

醲化艸木襄譙豚魚有孚固宜被飾自文作妮其俗洵有用之  
雅裁匪無根之華說也予承乏兩粵勤凭四民職茲一隅劬於  
指畫頃得全志提乎目并公餘瀏覽隨筆讎校所望地著爲本  
風氣日上政書扶世辨告牖民稽曷理者得此爲圖經問風俗  
者資之爲雅故苟詫其文省事增怖其句奇語重則是以篙測  
水以櫝易珠昧著作之意葩品藻之方矣在替溪蠻叢笑隄有  
傳書峒溪織志邇而踵事濫觴不博體大斯合斧藻近正義典  
則宏它日政成殷昌風移質木緬溯物始孰超作家斯則展采  
攷文循環如貫者也將畀梓匠爰題簡端

道光十六年十一月

序一首

賜進士出身太子少保榮祿大夫兵部侍郎兼都察院副都御史廣東巡撫邢墳撰  
槩山司馬綏猺志成嶮筠制軍旣序之矣古書無二序然重以  
司馬之請予亦何能無辭書凡二萬餘言爲目八曰總志該沿  
革前事建置山川曰食貨該田制戶口賦稅積貯曰物產曰風  
俗多異聞焉曰猺防主豫備焉曰名宦曰人物皆信而有徵者  
焉曰志餘則排猺之道里猺音之切要載焉附以總圖一排圖  
八觀之瞭若指掌其體嚴類武功康志其辭簡類朝邑韓志其  
文古茂類酈注水經憂憂乎非時才所及也道光十三年江華  
猺滋事予在廣西堵禦時遣人偵東兵進止因得悉其大小排  
冲諸要隘洎撫東省又從官斯土隣斯界者備爲諮詢故所聞  
特詳久欲輯爲一書牽事未逮不圖司馬先得我心夫猺性靡  
綏猺廳志序

常急則就撫撫又復猖前人有以嚴困守三義爲控制之策者  
予謂無過於綏之一字司馬之言曰思患預防之用不於坎險  
之時而在旣濟之日又曰外而不可內疎而不可近無事則周  
防之有變則膺懲之蓋深得綏猺之道者矣予願官斯土者手  
斯一編以爲治譜毋苛毋縱俾民猺兩得其平安見椎跣侏儻  
不鼓舞於光天化日哉

道光十七年孟夏月

連山綏徭廳志

賜進士出身奉政大夫連山綏徭直隸軍民同知姚東之編集

總志第一

連山本漢桂陽縣地禹貢荊州之域後漢省晉分桂陽立廣惠  
縣宋分沅澧縣置廣德縣隋開皇十年改廣澤仁壽元年改連  
山屬熙平郡連山名縣自隋始唐武德四年隸江南道天寶元  
年改連山郡隸嶺南道乾元元年復爲縣屬連州隸湖南道宋  
開寶四年隸廣南東路紹興六年廢爲鎮十八年復置仍屬連  
州隸廣南東路元至元十三年隸湖南道宣慰司十九年隸廣  
東道明洪武元年屬連州二年省連州陽山入連山屬韶州四  
年革連山置陽山屬廣州十四年入連州仍屬廣州 國朝順  
治四年內附仍屬廣州雍正七年改屬直隸連州今併入理徭

綏徭廳志

同知改爲連山綏徭軍民府直隸廣東布政司廣東初無徭宋  
紹興中有連州人廖姓者仕廣西提刑歸攜徭僕十餘人散居  
油嶺橫坑間椎結男穿耳帶環以五色綠珠雞毛飾髻女袒胸  
戴白墊角巾者曰排徭以三角薄板繫髻上曰帶板徭髻上帶  
長笄一枝者曰帶箭徭板徭箭徭種不蕃排徭最大刀耕火種  
鑿巖而居種類蕃息分散谿谷然亦各有分地其屬連州者曰  
油嶺排行祥排橫坑排屬連山者曰軍寮排馬箭排里八崗排  
火燒坪排大掌嶺排連山之徭以萬數五排最大連州之徭以  
萬數三排最大其小者名爲冲在三江之東自龍尾寨以東南  
爲冲四十三西自龍水尾以西南爲冲九十三中自犁頭塘以  
西爲冲四皆八排之所分也無約束好鬥嗜酒喜則人怒則獸  
苟利所在不知禮義自南宋迄元之世二百三十餘年種甚微

伏處菁莽史冊不可得而稽也至明洪武中猺始强大乃出寇  
洪武十五年南雄侯趙庸討陽山猺寇十六年廣東猺亂申國  
公鄭鎮討之三十二年設立猺首統領撫猺甲總自是始防猺  
矣在明之中葉也猺人叛獠人乘之作亂獠民者蓋廣西狼種  
與尚民無異惟女子髻梳蟠龍貫以大簪或包白布帕以青紗  
繡之精織細布世所稱獠布也天順四年獠陷梧川五年二月  
都督僉事顏彪爲征夷將軍充總兵官討猺賊三月湖廣貴州  
總兵官李震會廣西軍剿猺獠悉破之六年顏彪討平兩廣諸  
猺七年九月廣東總兵官歐信會廣西兵討猺賊十月巡撫廣  
西僉都御史吳楨節制兩廣諸軍討猺賊成化元年正月都督  
同知趙輔爲征夷將軍充總兵官僉都御史韓雍贊理軍務討  
叛猺十二月韓雍大破大藤峽猺排猺皆震恐正德元年發兵

征連山古縣自是獠衰弱不復振萬曆七年廣東羅旁猺平十  
一年于獠地立宜善鄉置宜善巡檢司獠民薙髮去環服禮教  
習儒書與齊民齒今無獠類矣天啟二年五排猺肆劫掠連山  
知縣楊崇忠請兵討之叅將趙文失律有巡道潘者調都司蔡  
一申率銳師漏夜抵馬箭里八崗排猺潰次日猺設伏茂古崗  
邀一申戰殺傷過當猺敗奔油嶺一申乘夜帥其眾薄油嶺黎  
明成三大營猺大驚乞命一申勒猺縛獻首賊隨撫之猺人勢  
稍戢不敢窺境十餘年崇禎中中原多故猺人又猖獗十五年  
連山知縣朱若迄具疏請討之乃發五省兵集連山將無鬥志  
有副總兵陳鵬者驍勇善戰且發憤值猺賊大至諸營敗績鵬  
獨率本部兵當軍馬二排衝賊悉眾攻鵬孤軍力戰自辰至午  
無援者鵬力盡與守備黎樹績死于陣猺益橫有總兵鄭芝龍

者憤鵬之死議用本縣宣威營土民嚮道由別徑引兵突入排  
焚其巢賊遁入深山無所掠食饑甚將就擒矣總兵宋紀得犒  
賂遺言師老遂罷兵若迄乃上表曰軍察馬箭二排居中六排  
居後且八排一種分苗百年姻婭接壤而居勢若常山之蛇擊  
其中首尾必顧容有羽翼而能取其頭目者乎况方議勦旋議  
撫未知痛創何威可畏苟且了事何德可懷今奉會勦之旨動  
四省之兵半壁安危所係天朝榮辱所關而任事諸臣實心任  
事者不少忤惕欺蒙者更多見害則知愛生見利慙不畏死甚  
至擔圭析爵者受徭賦而通線索標牙建燾者殘民命而冒虜  
功以致干城腹心之將如副總兵陳鵬等率敢死士數百人捐  
軀報國羣奸悞陷忠魂其能瞑目乎此本年二月二十二日事  
也嗣是畏縮築室道旁賊驕民困師老餉窮兵有脫甲之擾民

有去鄉之思皮之不存毛將安傅連之爲連尙可問哉然今所  
望調漳潮署總兵鄭芝龍此一臣者威名已寒賊膽忠義可格  
天心每談及欺悞之儔不勝裂眚截髮定盟誓以圖國士之報  
伏乞大加乾斷鼓忠勇而剔奸邪則蕩平不日可奏矣表上不  
報若迄憤恚發病卒明祚旋移 大清受命五十餘年未暇討  
也康熙四十年廣東提督殷化行兩廣總督石琳廣東巡撫彭  
鵬等乃奏言曰廣州府所屬連陽州縣僻在粵省西北界連廣  
西湖廣山莽崇深本屬險阻而境內徭人八排毗連各一聚落  
皆在深巖邃壑之內豐草密菁之間并無出產只以耕田度活  
雖亦薄供租稅頗就羈縻但種自流移族無統屬馴擾不常伏  
莽藏林好行竊劫而州縣民人亦多散居山谷與各徭村落相  
望田土錯連喜則狎昵往來怒則爭鬪殺蓋愿來如此也臣

於康熙三十七年十二月內抵粵任時察看情形當遣臣標下千總張鳳儀齎示往諭繼又會商委令韶州總兵官劉虎南韶道何漢英同至其地諭以理法剖其是非其如猺人頑梗不靈畏見官吏一任再三招致總不出來投見惟以討取花紅銀兩爲辭在地方官計圖審民或亦賞犒時雖少戢旋復鳴張乃于康熙四十年六月十四日有三寨鄉民莫庸正等五人往楓木凹地方洗菁被猺伏路突出殺死三人捉去二人隨復脫回又本月二十六夜有猺賊入新塘橋內搶劫居民傷死胡中科譚呈奉二命擄去牛猪等物又七月十九日有猺賊成羣白晝突出搶去韶陂等三處放草耕牛捉去割草鄉民梁永遠鎗傷民婦林氏又于二十日突劫羅盧等數家牛隻傷殺村民羅冬瑞梁氏等臣據該鎮協營具報似此猺賊兇橫日甚官弁兵勇非

不設防驅退但恐輕擅招尤不敢深入追捕現據該地方士民陳訴此猺愈撫愈橫必欲勦創乃得安甯臣於康熙四十年十月量帶官兵前至連州連山等處權度事勢宣布 朝廷德威倘有頑抗如前負嵎不出臣卽相機發兵入其巢穴捕取真正稔惡酌量處治以昭 國法奏上而猺賊李貴鄧二等仍剽掠無忌化行乃遣總兵劉虎率師進剿先遣副將林芳人諭排猺皆一種相杖未肯聽芳被傷墮崖死又傷把總陳溥及官兵十餘人勢不下石琳乃請益兵 上許之明年正月命都統松柱等討八排賊調廣東廣西湖廣三省兵水陸並進二月軍次三江口猺賊竄伏三月猺眾縛獻李貴鄧二等伏法四月罷各路兵又明年石琳奏言臣伏查連州所轄油嶺等三大排以及香爐山大鶯新寨鍋蓋山上坪望溪嶺馬頭鬃各小排連山所

轄軍寮等五大排以及雞公背牛路水八百粟天堂冷水冲龍水尾猪豹嶺瓦寨新寨大坪魚水冲六對冲大坪水甕尾茅田冲各小排周圍約計四百餘里俱係崇山峻嶺鳥道羊腸難設縣治如連州之油嶺行祥橫坑三排皆距州城四五十里連山之軍寮排馬箭排火燒坪排里八崗排各距縣城二十餘里大掌嶺排距縣城十里向來就近分管今若割而爲一鞭腹尤長卽添設縣令一時未諳徭情不無顧此失彼計其田地共稅五十三頃二十一畝零官民夏米一百五十二石二斗零餉銀二百三十八兩三錢七分零丁口銀一十五兩四錢五分零皆在全書原額地畝丁口之內如連山五排稅畝據縣申稱係徭戶買受民間田地與民一例徵輸尤非徭排境內地土若另設一縣錢糧爲數無多不敷一邑俸工之用臣等管見莫若仍歸連

州連山管轄惟請于附近徭排適中之三江口建立寨城安設官兵統率控馭移廣東海防督捕同知文兼武備管領把總一員兵丁一百名爲理徭同知駐于三江口兼管連州連山陽山三州縣捕務官不另設任使得宜再查連州原設有連陽一營額兵六百八十二名遊擊統領不能兼顧徭排今須三江口添設一協居中彈壓仍分撥官兵于各排要口之鐵坑長塘大拱橋等處嚴加防範臣等會商提臣殷化行將韶協裁出所存官兵改歸三江又查始興營設有守備一員千總一員把總一員額兵一百七十五名屬南雄協所轄相應始興汛守統歸南雄協派防裁去始興營官兵歸于三江口新協第韶協原設額兵九百二十三名始興營額兵一百七十五名共兵一千零九十五名改歸三江不敷防範應於廣東將軍督撫提鎮各標協營

馬步守兵之內均分派出一千零二名內將九百零二名歸于新協共合二千之數其餘一百名歸於同知管束各營照依所派之數汰除老弱將名糧移歸新協於連陽鄉勇中考驗頂補三江新協應設中軍都司一員守備二員千總四員把總八員分爲左右二營令新協統率仍兼管連陽營統隸督提管轄爲便奏報可乃築三江城建副將同知衙署三江之有城也同知之駐三江也從石琳請也又雍正七年兩廣總督孔毓珣奏言猺性不馴化導非易必須理猺同知專理猺務常駐該地不另委署調遣他出其理猺同知應改爲廣東理猺軍民同知徑隸司道考核同知之徑隸司道也從孔毓珣請也是時連州亦請徑隸司道以陽山連山屬焉凡猺人盜案以同知爲專轄猺人爭訟有涉連陽三州縣民人者聽同知關會審理猺戶錢糧仍

連州連山縣照舊徵解同知有分民無分土嘉慶二十三年兩廣總督蔣攸銛議革連山併入同知爲專轄 詔從之自併連山然後同知有疆域也其在連州者有猺戶無民戶而不有其地在連山者康熙中連山縣令蓋嘗誌其疆域戶口矣然繁而不詳晦而不自亂而不理且閱百年闕畧者多無宣究故輯而論之著於篇連山于天文爲軫之分野在軫六度八壽星分邑多山無名者不錄錄其大者東有猪頭山又東有雞鳴關又東至于三江口爲連州三江者一爲連水一爲鑊水一爲沿陂水其沿陂水多伏流導自連州土狗塘至交益山下行二里許合鑊水爲一江其鑊水發源連山黃帝源北過軍寮又東過油嶺兩猺排界又北至車田逕會眾小水爲一江漣口水發源不一其大者一自石梯山會長葉冲合流而下至龍尾又合黑山水

至石寨復合沙坪水而成大溪一自上坪來澗溪曲折至鷺兒水八大溪而全注於連山城合城東茂古崗出水白沙爲一江多灘石湍激不可通舟至雞鳴關下合二水出連州是爲三江也東北有鄧公山又北有錦坑山鍾雷山崑湖山又北有魏家山又北有大霧山仙人山大帽山大龍山小龍山又北至于大塘坳界爲藍山縣西北有上葉山又北有巾子山又西北有鍾山天梯山又西北爲慳山長逕山又西北至于白石關界爲江華縣江華藍田縣者湖南永州屬縣也西有天霞山百丈山又西北有犁頭山芙蓉山西南有文筆山鍾山山之下有古縣坪有關門山又西至于牙鶯界爲賀縣南有馬鞍山又南之西有大程山山之下有宜善城又南至于上帥村界又迤東有羅剎山又南有七星山又南至于下泉逕界又迤西有龍頭山又西

有梅洞山洞又西至于龍水山界爲懷集縣賀懷集者廣西梧州屬縣也東南有黃帝源又南有黃連山又南至于黃連界爲陽山東西一百四十里南北三百里東北一百五十里西北一百二十里東南二百七十里西南一百五十里猶排居其中汎地凡三十六一在城一在白石關一在上帥汎一在茂古崗一在白沙一在新營脚一在雞鳴關一在虎父塘一在大鞏橋一在上臺一在山口一在余高一在班瓦一在梅崗一在山崗一在蓮花坪一在拋石村一在三江洞一在七星山一在高鄉村一在白芒村一在倒流村一在竹子坪一在鐵坑一在馬曹屯一在神頭冲一在紗帽坡一在水竹塘一在東芒村一在長塘一在大東嶺一在香爐墩一在小傘山一在左山溪一在右山溪一在車田逕在鑊水之東者連州陽山地其西者爲府地自

在城至上帥者爲連陽營自茂古崗至車田逕者爲三江營均隸南韶連鎮連山故城舊志西北鍾山下元豐九域志云在連州西一百六十里今上吉村古縣坪寨地永樂初于程山下開縣治今宜善城地天順初移至象山前小水坪爲今府理地初無城成化四年知縣孔鏞倚山築焉城周一百八十丈雉堞二百四十九東門一西門一北無門南門一今塞之城之中爲府衙府衙南爲司獄衙府東爲武廟武廟東爲文廟廟側爲儒學儒學東爲千總衙衙之東爲諸葛武侯祠東門外循山而東有城隍廟廟北同知蔡天培捐貲經營未鳩工劾去同知姚東之捐貲修復之西門外循溪而西有大塘菱蒲生焉塘上有桂陽書院知縣李來章所建以課士者也北城外有元武嶺上有砲臺周二十八丈高一丈四尺雉堞三十三中有亭一間貯紅衣

砲四位佛郎機砲四位南有門北有窩鋪設汛兵守之以防衛南城外涉溪而南有教場葺茅茨以爲講武地同知姚東之捐貲築廳事後爲房俾額外把總居之以練兵壇有四先農壇在城東門外一里原上有浮屠七級不可登壇北有神祇壇原下有昭忠墓明季死徭難副總兵陳鵬之墓也社稷壇在城西門外一里有叢木以楓如古社制邑厲壇在南城外三里倉凡三所一在城一在宜善司一在三江城三江初無城康熙四十二年連州知州王濟民奉文建于高良洞周三百八十丈雉堞若干城樓三東門一西門一南門一初理徭三江兩營文武俱駐城乾隆四年築新城遷副將都司去舊城中南爲理徭軍民府府西爲理徭把總衙東有武廟三江營軍士祀之右爲三江城守把總衙嘉慶二十三年遷同知駐連山衙廢變價解部同知

踞理徭把總衙爲綏徭行府把總踞兵房爲綏徭把總衙城東門外有武廟綏徭營軍士祀之武廟右側爲綏徭外委把總衙合城內外綏徭兵房共九十餘間今頽圯同知姚柬之請修之南門外爲三江左營守備衙西門外爲三江右營守備衙其在新城者不錄以無與于綏徭也民村七有半一曰茅鋪村領小村二十九曰鋪前曰石寨曰軍營曰白沙曰茂古曰土敬埔曰班石曰歐家曰廟嶺曰象鼻曰銅盆曰大堡廟曰龍脰曰盤田冲曰橫水曰龍頭曰龍尾曰南蛇田曰大村田曰大旺寨曰長江曰黑山脚曰上葉曰董家曰小寨曰白虎頭曰上下百尺曰山口寨曰平山曰黃崗曰上坪曰祝家村曰蓮塘村曰塘頭曰永慶曰竹園曰高村曰鳳凰曰仙人坪一曰和睦村領小村三十山東水曰盧家曰寺邊村曰賀家曰走馬坪曰羊耳塘曰白

洋寨曰解纓寨曰牛婆塘曰雞脚社曰西水曰石坪曰黎家寨曰大井曰澗頭曰主躬村曰伏獅曰鄧家村曰植槐坊曰桂花曰黎傑曰官田曰進珂崗曰新寨曰圩頭曰江頭曰覆航村曰虎尾村曰黃屋曰雙桂里一曰大富村嶺小村二十二曰蒙家里曰日樂曰祝高村曰牛角坡曰新慶寨曰蓮塘曰大嶺曰蔣家曰廟前曰石家曰車田曰鱉塘曰竹橋曰灰木曰高料曰上逕曰水頭曰明月曰榕樹葉曰黎屋曰松木曰拳鼓寨一曰上草村領小村十有八曰七里逕曰水口曰福江曰唐勇曰石富曰擂鼓嶺曰大眼曰小眼曰湘崗曰遶江曰嶺脚曰公樓曰鄒美曰冬葉曰平冲曰廟背曰塘下曰竹園一曰禾村領小村二十五曰驗魚尾曰冬笋塘曰象鼻寨曰胡家村曰石龍頭曰直嶺脚曰李家寨曰何家寨曰蔣家寨曰香花坳曰西水曰滿村

曰大冲曰林家寨曰寶珠寨曰平嶺曰鷺公曰倒水冲曰寺地  
曰蓮塘曰上床曰梁屋曰正水尾曰陳下寨曰何昌寨一日沙  
田村領小村十四曰苦竹曰蒲田曰新慶曰井頭曰胡村曰嶺  
尾曰崩江曰軍營曰木根曰樓冲曰上陀曰黃南曰圓珠曰嶺  
崗一曰上吉村領小村十五曰蓮花坪曰馬家頭曰福安寨曰  
羊婆田曰高樓寨曰佛子曰新石鼓曰舊石鼓曰山口寨曰丹  
竹曰羅村曰良溪曰鴨窠到曰木樓曰結州一曰宜善鄉領小  
村二十五曰楓崗曰良崗曰古田舊縣曰烏石曰沙里曰省崗  
曰三江崗曰上下石田曰大陂曰西山曰宿塘曰大鑊曰上營  
曰花羅曰馬鹿曰東平曰寒冲曰章家曰龍頭冲曰梅崗曰銅  
佛曰雷冲曰北建曰東山曰上帥曰北垣曰大鉞曰小鉞曰夏  
犁一曰沙坊半村沙坊故屬連州諸鶯鄉在雞鳴關外獨二甲

十里屬沙坊故曰半村領小村十九曰大角埔曰青冲曰奎池  
塘曰榕樹坪曰官渡頭曰龍鳳廷曰石鼓鎮曰田心曰角齋曰  
黃村坪曰平田曰犁頭陂曰大冲曰紅本曰新村曰白公廟曰  
水東坪曰大龍水曰石脚坪猶排大者八小者五猶冲百四十  
在東路者一曰油嶺大排領支派小冲四曰犁頭塘曰棠黎坳  
曰中崗曰蓮水一曰行祥大排領支派小冲二曰望溪新寨曰  
望溪老寨一曰橫坑大排領支派小冲二曰魯箕曰九龍一曰  
大木根小派領支派小冲十曰拜地曰坑口曰馬頭鬚曰貓兒  
坪曰遊龍田曰白草坪曰新寨曰下坪曰上亞貴曰下亞貴一  
曰六暗下坪小排領支派小冲十三曰茶坑曰大竹園曰三洲  
曰下坪曰橫寨曰流名福曰深冲曰大坳曰夾界曰桐油曰鍋  
蓋山曰上坪曰大冲在西路者一曰軍寮大排領支派小冲十

曰桐坑曰白石嶺曰牛路水曰油癸嶺曰鬚坑曰上磨刀曰下磨刀曰下西嶺曰南榕曰橫寨一曰火燒坪大排領支派小冲四曰虎叉曰猪矢曰上西嶺曰中西嶺一曰大掌領大排領支派小冲八曰大古坳曰養牛寮曰羊公坡曰大坪嶺脚曰香花根曰冷水冲曰坪冲曰老村一曰里八崗大排領支派小冲十曰大粟地曰大弔橋曰新寨冲曰老社坪曰箭竹坪曰浪頭冲曰紅石坑曰沙坑曰牛問曰石子坪一曰馬箭大排領支派小冲二曰大竹坪曰白水帶一曰盤穴坪小排領支派小冲十六曰白扇曰大橋頭曰水江曰上坪曰地桃曰六對曰東浮口龍會曰培地橙曰地禾冲曰六樸曰兜便曰限定尾曰下黃曰蓮花大木根曰九輪曰紅泥田曰新寨曰大坳一曰黃帝源小排領支派小冲七曰橫柄曰桂皮冲曰馬嘴佃曰中漩曰磨刀曰

大橋曰扶竹坪一曰中爐坑小派領支派小冲十四曰唐浩村曰大英嶺曰黃瓜曰山猪豹曰菓子坑曰嶺尾曰耳環曰苦竹曰猪婆王曰打鐵曰薩人坪曰水潤坪曰八百粟曰馬踏崗其餘小冲非支派者東路曰北規崗曰葛箕坪曰厚崗曰企人寨行祥橫坑二大排兼領之西路曰大崖曰龍水尾曰筋竹根曰茅田曰石龍寨曰白古廟尾曰暗冲曰柳葉軍寮火燒大掌里八崗馬箭五大排共領之又有無居人之冲曰七星崗曰水甕尾曰魚賽曰梅木曰冷水曰高寨曰犁壁曰天堂曰撈箕坑鐘山在府西一百里在連州西一百六十里山下爲連山古縣宋紹興六年丙辰廢爲鎮十一年辛酉修武郎閤門祇候殿前司權鋒軍司統領軍馬黃進來成有重建集靈廟碑陳宗謬爲記十三年癸亥總首黃昶爲立碑碑無存文曰連之封內民以

數椽屋立土木像供香火薦牲血歲時吹鼓擊金以從事於鬼神之事者浩不可紀往往多出于閭閻鄙語之淫私考其載在祀典正而不它者纔二十餘所大率皆有額爵惟六侯之神最爲靈顯其爵額功德昭著民所畏信久而不忘傳曰盛德及民必百世者幾是歟昔在皇祐中儂獠犯邑屬瘟淫蟲食寢及于連時太平日久民不識金革竄伏山谷城廓蕭然神於是時炳靈助順散出陰兵布匝城堞旗幟戈甲常晝赫變賊莫測其所自謂有王師之至聞風鶴之聲觀草木之象者莫不震慄已而遁走境內以安其後事聞於朝得賜金額廟向乾崑山峭壁萬仞豐隆峻極北與九疑相甲乙下臨湖水飛來濺來如奔雷擊電澤洞所潞蛟龍伏焉故其神集山川之靈能與雲雨捍患救災福及一方凡盜賊兵火之不測水旱癘疫之無常禱焉立應

續精廳志

十一

事再聞於朝得賜金爵可謂不於廟有德於民血焉而不忝其祀者其與木居士置諸道隅龕馨愚昧使往來邀無根之福者豈不相萬萬哉紹興辛酉冬修武郎閤門祇候殿前司摧鋒軍司統領軍馬黃進被天子命來戍於連按兵示威不窮不顯積年猾寇影滅迹絕民宴如也一日觀兵升高望遠以鞭指崑湖之山謂左右將校曰連以山得名是山扶輿鬱積上薄霄漢一州清淑之氣盡屬於是是中不有仙人釋子之館必有神靈之官府問田夫對以六侯之迹於是退而清晨齋沐率其部帳公謁祠下精虔祀事牲肥酒旨恍惚之中若有鬼神陰來格者冀畢徘徊瞻顧歎屋卑陋不足以稱邦人之崇奉於是願割已俸易而新之左右將校有樂出財力者亦所不問不踰時殿宇深恤神威凜凜八其門升其堂者恭肅之心莫不油然而生事

既落成屬宗諤爲記聞國之大事在祀典與戎二者可相有不  
可相無方戰國時人皆樂戰而妄祀故孔子對衛靈公之問陳  
則曰俎豆之事則嘗聞之矣軍旅之事未之學也蓋所以譏當  
時之人知戰而不知祭者嗚呼惟戰以忠故能服人惟祭以誠故  
能格神今黃公揮三軍五兵之事臨機果料敵明既已根于忠  
智而駿奔走執籩豆未嘗跛倚以臨事抑又爲于精誠其于  
戰國之士豈可同日而語哉孔子曰我戰則克祭則受福誠哉  
斯言也宋紹興十三年癸亥三月十五日總首黃昶立陳宗諤  
者連州人爲張栻師集靈廟在崑湖山山高五百丈周三百里  
下有崑湖俯視眾峯羅列如兒孫矣

程山在鐘山東四十里山下爲連山舊縣明永樂元年開山設  
焉天順中爲猺賊破縣徙萬厯中設宜善巡檢司屬連山城周  
級猶龐志  
一百二十丈雉堞一百六十零南門一東門一無西北門城內  
有舊縣衙圯順治中修復爲巡檢衙之東南有城隍廟廟側  
有程山古廟縣未徙時所建也今尙存

黃連山在府南四十里隋志所稱連山有黃連山元和郡縣志  
所稱黃連嶺在桂陽縣西南一百五十里者也高不過數十丈  
周不過三里非可以表邑也失禹貢職方之指矣

巾子山在府北八十里高數百丈周百餘里頂上有石池四時  
不涸昔有桃李二株盛夏熟芬芳襲人登山者採食之不飢或  
攜至半山風雨輒起迷路必棄之乃復霽諺云巾子山宜喫不  
宜擔蓋不減綏山桃矣鄧公山在府北一百里高三百丈周三  
里有鄧侯廟有宋吳琮重建鄧侯廟碑記其略曰阿魯刺史名  
也約子刺史字也燒陂里刺史家居之地也燈蓋嶺刺史行孝

之所也鄧公山刺史感異人騰空山之名也生于齊宋之間爲  
兒時顯姿俊采傑然間出達權知變攷之齊太子宫中書記敘  
其本末畧可知也永明元年正月有聖僧投宿于鄰舍成公家  
成公怒而不內刺史之母割雞爲黍而食之後獲其果報之恩  
與之下地葬父于村北二里間此齊世祖武帝卽位之年也是  
時爲郡小吏差送圖書于京師當煨燼之餘有師宿莫記舊聞  
獨刺史出應帝詔以任記問之責一時隱若神助口誦如流水  
布籌如飛書吏俱有脫腕之告圖籍散而復全晦而復明可  
謂有功于國家也多矣此食邑之褒刺史之封廼宋蒼梧王元  
徽初年正月之號也及其筮仕之日攷之史傳略而不載問之  
耆老闕而無聞血食此邦但知其德使州郡立其廟于城邑之  
左子孫創其祠于故里之間以爲春秋祭祀之地自宋齊至于

緜循廳志

南

今日寥寥數百載神之應靈祭之如在水旱盜賊蝗蟲天災流  
行凡有所禱隨叩而應閔歲寢久祠宇廢壞子孫廣廟宮而大  
之於其庭壇高其棟宇百用俱在丁亥規模鼎新請書其事于  
石予謂鄧侯生能澤連民死能庇連民可謂靈也予非能文不敢  
固辭於是述已所聞證以古事持書功德之盛美非敢以當達  
者因以紀歲月云爾時歲在丁亥寶慶三年上廬鄉門堦免解  
進士吳琮撰

天梯山在府北五十里高數百丈周約一百里山有石梯數百  
級不可攀也

鐘雷山在府北三十里因天梯是來高數百丈周百餘里狀如  
鐘雷雷者以東西爲縮也

大龍山在府北八十里高數百丈周五十餘里